

ZAPISNIK

sa šeste redovne sjednice Upravnog odbora Univerziteta u Tuzli
održane u srijedu 22.12.2021. godine, sa početkom u 15,00 sati u Sali za sjednice Rektorata Univerziteta u
Tuzli

Sjednici su prisustvovali: predsjednik Upravnog odbora dr.sci. Semir Ahmetbegović, vanr.prof., te članovi: Omer Beširović, Suad Hasanović, Amela Dedić, Adela Mustafagić Šaldić, dr.sci. Kenan Mandžić, red.prof, dr.sci. Anita Petrović, vanr.prof, i Amra Šehić, student.

Sjednici nije prisustvovalo ali je izostanak opravdao član Upravnog odbora dr.sci. Franc Andrejaš, vanr.prof.

Osim članova Upravnog odbora sjednici su prisustvovali: Rektorica Univerziteta dr.sci. Nermina Hadžigrahić, red.prof., generalni sekretar Jasmina Berbić, dipl.pravnik i šef Službe za pravne, kadrovske i opšte poslove Šejla Fazlić, dipl.pravnik.

Predsjednik Upravnog odbora konstatovao je da postoje uslovi za rad i odlučivanje na sjednici u skladu sa Poslovníkom o radu, te je otvorio šestu redovnu sjednicu Upravnog odbora.

Predsjednik Upravnog odbora otvorio je diskusiju po predloženom dnevnom redu. Obzirom da nije bilo diskusije za ovu sjednicu jednoglasno usvojen sljedeći

DNEVNI RED:

1. Usvajanje Zapisnika sa 5. redovne sjednice Upravnog odbora.
2. Davanje Mišljenja na Prijedlog Odluke o izmjenama i dopunama Statuta JU Univerziteta u Tuzli
3. Donošenje Pravilnika o izmjenama i dopuni Pravilnika o radu (prečišćeni tekst)
4. Razmatranje Mišljenja Ministarstva obrazovanja i nauke TK broj: D-10/1-02-027338-1/21 od 08.12.2021.godine na prijedlog odluke Upravnog odbora broj: 04-5416-1-3/21 od 18.10.2021. godine o iznosu dodatne participacije u troškovima sticanja naučnog stepena magistra/doktora nauka i na drugom/trećem ciklusu studija na fakultetima/Akademiji Univerziteta u Tuzli
5. Razmatranje Mišljenja Ministarstva obrazovanja i nauke TK broj: D-10/1-02-026917-1/21 od 29.11.2021.godine u vezi uređivanja školarine i participacije studenata stranih državljana
6. Razmatranje Zahtjeva Medžlisa Islamske zajednice Tuzla broj: 04-7083-1/21 od 07.12.2021.godine
7. Određivanje zamjenika predsjednika Upravnog odbora.

TAČKA 1.

Usvajanje Zapisnika sa 5. redovne sjednice Upravnog odbora.

Zapisnik sa pete redovne sjednice Upravnog odbora jednoglasno je usvojen.

TAČKA 2.

Davanje Mišljenja na Prijedlog Odluke o izmjenama i dopunama Statuta JU Univerziteta u Tuzli

Generalni sekretar Jasmina Berbić, dipl.pravnik detaljno je obrazložila Prijedlog Odluke o izmjenama i dopunama Statuta Univerziteta u Tuzli.

Nakon održane diskusije, Upravni odbor jednoglasno je donio :

ZAKLJUČAK

U vezi sa dostavljenim Prijedlogom Odluke Senata Univerziteta u Tuzli o izmjenama i dopunama Statuta JU Univerzitet u Tuzli broj: 03-6971-1-2/21 od 08 12 2021 godine, članovi Upravnog odbora iz reda osnivača zatražit će na isti prethodno Mišljenje Ministarstva obrazovanja i nauke Tuzlanskog kantona, a u skladu sa članom 5. i 6. Uredbe o vršenju ovlaštenja organa Tuzlanskog kantona o javnim ustanovama čiji je osnivač Tuzlanski kanton ("Službene novine TK" broj: 8/06, 12/06 i 7/09) i članom 8. Pravilnika o radu Upravnog odbora JU Univerzitet u Tuzli broj: 02/1-34-979/10 od 21.01.2010. godine.

te

ZAKLJUČAK

I

Upravni odbor Univerziteta u Tuzli sugeriše Senatu Univerziteta u Tuzli da ponovo razmotri član 7. Prijedloga Odluke o izmjenama i dopunama Statuta JU Univerziteta u Tuzli broj: 03-6971-1-2/21 od 08.12.

2021. godine u pogledu uslova za izbor na poziciju prorektora za digitalizaciju Univerziteta.

II

Zaključak se dostavlja Senatu Univerziteta.

TAČKA 3.

Donošenje Pravilnika o izmjenama i dopuni Pravilnika o radu (prečišćeni tekst)

Šef Službe za pravne, kadrovske i opšte poslove Šejla Fazlić, dipl.pravnik obrazložila je Prijedlog Pravilnika o izmjenama i dopunama Pravilnika o radu i izvjestila članove da je resorno Ministarstvo dalo pozitivno Mišljenje na isti, nakon čega je Upravni odbor jednoglasno donio

PRAVILNIK O IZMJENAMA I DOPUNI PRAVILNIKA O RADU UNIVERZITETA U TUZLI -Prečišćeni tekst

Član 1.

U Pravilniku o radu Univerziteta u Tuzli-Prečišćen tekst (broj: 04-295-1-3/20 od 21.01.2020.godine, broj: 04-2398-1-4/20 od 04.06.2020. godine, broj: 04-4038-1-2/20 od 17.09.2020. godine i broj: 04-2987-1-2/21 od 23.06.2021. godine), u članu 17. stav (2) tačka b) riječi: "do 120 dana" zamjenjuju se riječima: "do šest mjeseci".

Iza tačke e) dodaje se nova tačka f), koja glasi:

"f) prijema u radni odnos na određeno vrijeme najdalje do 12 mjeseci ukupno za konkretno radno mjesto, za vrijeme proglašenog stanja prirodne ili druge nesreće ili epidemije zarazne bolesti u Kantonu, kao i za vrijeme vanrednog stanja u Federaciji Bosne i Hercegovine, proglašenog od strane nadležnih institucija".

U istom članu u stavu (3) riječi: "tačke b) do e)" zamjenjuje riječima: "tačke b) do f)".

Član 2.

Ovaj Pravilnik stupa na snagu osmog dana od dana njegovog objavljivanja na oglasnoj tabli Univerziteta u Tuzli

TAČKA 4.

Razmatranje Mišljenja Ministarstva obrazovanja i nauke TK broj: D-10/1-02-027338-1/21 od 08.12.2021.godine na prijedlog odluke Upravnog odbora broj: 04-5416-1-3/21 od 18.10.2021. godine o iznosu dodatne participacije participacije u troškovima sticanja naučnog stepena magistra/doktora nauka i na drugom/trećem ciklusa studija na fakultetima/Akademiji Univerziteta u Tuzli

Šef Službe za pravne, kadrovske i opšte poslove izvjestila je članove Upravnog odbora da je resorno Ministarstvo dalo pozitivno Mišljenje na prijedlog odluke Upravnog odbora broj: 04-5416-1-3/21 od 18.10.2021. godine o iznosu dodatne participacije participacije u troškovima sticanja naučnog stepena magistra/doktora nauka i na drugom/trećem ciklusa studija na fakultetima/Akademiji Univerziteta u Tuzli uz istovremenu sugestiju da je potrebno donijeti dvije posebne o dodatnoj participaciji, nakon čega je Upravni odbor Univerziteta jednoglasno donio:

ODLUKU

o stavljanju van snage Prijedloga Odluke o iznosu dodatne participacije u troškovima sticanja naučnog stepena magistra/doktora nauka i na drugom/trećem ciklusa studija na fakultetima/Akademiji Univerziteta u Tuzli

Stavlja se van snage Prijedlog Odluke Upravnog odbora Univerziteta u Tuzli broj: 04-5416-1-3/21 od 18.10.2021. godine o iznosu dodatne participacije u troškovima sticanja naučnog stepena magistra/doktora nauka i na drugom/trećem ciklusa studija na fakultetima/Akademiji Univerziteta u Tuzli.

te istovremeni utvrdio prijedloge:

ODLUKE

o iznosu dodatne participacije u troškovima sticanja naučnog stepena magistra i doktora nauka na fakultetima/Akademiji Univerziteta u Tuzli

Član 1.

Lice koje podnese zahtjev i nastavi započeti postupak za sticanje naučnog stepena doktora nauka na Univerzitetu u Tuzli, u obavezi je plaćati neizmireni iznos utvrđene školarine prema dinamici utvrđenoj posebnim opštim aktom Univerziteta te dodatnu participaciju u troškovima tog postupka u visini od 300,00 KM, po semestru, a koju uplaćuje u prvoj sedmici nastave akademske godine u kojoj nastavlja postupak, odnosno u prvoj sedmici ljetnog semestra iste akademske godine ukoliko do početka ljetnog semestra ne odbrani doktorsku disertaciju.

Član 2.

Lice koje podnese zahtjev i nastavi započeti postdiplomski studij na Univerzitetu u Tuzli, u obavezi je plaćati neizmireni iznos utvrđene školarine prema dinamici utvrđenoj posebnim opštim aktom Univerziteta te dodatnu participaciju u troškovima tog studija u visini od 200,00 KM, po semestru, a koju uplaćuje u prvoj sedmici nastave akademske godine u kojoj nastavlja studij, odnosno u prvoj sedmici ljetnog semestra iste akademske godine ukoliko do početka ljetnog semestra ne odbrani magistarski rad.

Član 3.

Ova Odluka stupa na snagu danom donošenja, a primjenjuje se od akademske 2021/22. godine.

i

O D L U K E

o iznosu dodatne participacije u troškovima drugog i trećeg ciklusa studija na fakultetima/Akademiji Univerziteta u Tuzli

Član 1.

Lice koje podnese zahtjev i nastavi započeti doktorski studij na Univerzitetu u Tuzli, u obavezi je plaćati neizmireni iznos utvrđene školarine prema dinamici utvrđenoj posebnim opštim aktom Univerziteta te dodatnu participaciju u troškovima tog studija u visini od 300,00 KM, po semestru, a koju uplaćuje u prvoj sedmici nastave akademske godine u kojoj nastavlja studij, odnosno u prvoj sedmici ljetnog semestra iste akademske godine ukoliko do početka ljetnog semestra ne odbrani završni doktorski rad.

Član 2.

Lice koje podnese zahtjev i nastavi započeti drugi ciklus studija na Univerzitetu u Tuzli, u obavezi je plaćati neizmireni iznos utvrđene školarine prema dinamici utvrđenoj posebnim opštim aktom Univerziteta te dodatnu participaciju u troškovima tog studija u visini od 200,00 KM, po semestru, a koju uplaćuje u prvoj sedmici nastave akademske godine u kojoj nastavlja studij, odnosno u prvoj sedmici ljetnog semestra iste akademske godine ukoliko do početka ljetnog semestra ne odbrani završni magistarski rad.

Član 3.

Ova Odluka stupa na snagu danom donošenja, a primjenjuje se od akademske 2021/22. godine.

TAČKA 5.

Razmatranje Mišljenja Ministarstva obrazovanja i nauke TK broj: D-10/1-02-026917-1/21 od 29.11.2021.godine u vezi uređivanja školarine i participacije studenata stranih državljana

Šef Službe za pravne, kadrovske i opšte poslove Šejla Fazlić, dipl.pravnik upozнала je članove Upravnog odbora sa sadržajem Mišljenja Ministarstva obrazovanja i nauke TK broj: D-10/1-02-026917-1/21 od 29.11.2021.godine. Nakon diskusije Upravni odbor jednoglasno je donio

ZAKLJUČAK

I

Prima se k znanju Mišljenje Ministarstva obrazovanja i nauke Tuzlanskog kantona broj: D-10/1-02-026917-1/21 od 29.11.2021. godine u vezi uređivanja pitanja školarine i participacije za sva tri ciklusa studija i za sve studente koji studiraju na Univerzitetu te uređivanja tog pitanja odlukom generalnog karaktera.

II

Mišljenje Ministarstva iz tačke I ovog Zaključka uzet će se u obzir prilikom utvrđivanja Prijedloga Odluke o

iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2022/23. godini.

TAČKA 6.

Razmatranje Zahtjeva Medžlisa Islamske zajednice Tuzla broj: 04-7083-1/21 od 07.12.2021.godine

Generalni sekretar Univerziteta Jasmina Berbić, dipl.pravnik upoznala je članove Upravnog odbora da je Medžlis islamske zajednice dostavio Prijedlog broj: 04-7083-1/21 od 07.12.2021.godine za kupovinu zemljišta u Kampusu Univerziteta u Tuzli označenog po novom premjeru kao k.č. 1906/9 i dio od k.č. 1906/7 u ukupnoj površini 3.370m² KO Tuzla II, u svrhu izgradnje džamije, te da se nisu stekli zakonom propisani uslovi za zaključenje ugovora o kupoprodaji.

Rektorica Univerziteta upoznala je članove Upravnog odbora da je u toku je izrada Strategije razvoja Kampusu Univerziteta, te da se do okončanja iste ne može utvrditi da li će prijedlozi ovakve vrste biti u skladu sa istom.

Nakon održane diskusije Upravni odbor jednoglasno je donio sjedeću:

ODLUKU

Prijedlog Medžlisa Islamske zajednice Tuzla za kupovinu zemljišta u Kampusu Univerziteta u Tuzli broj: 04-7083-1/21 od 07.12.2021.godine, odbija se kao neosnovan.

TAČKA 7.

Određivanje zamjenika predsjednika Upravnog odbora.

Predsjednik Upravnog odbora predložio je da se odlučivanje po ovoj tački dnevnog reda odloži za narednu sjednicu, što je jednoglasno prihvaćeno.

Sjednica je završila u 17 sati i 47 minuta.

ZAPISNIK SAČINILA

Šejla Fazlić, dipl.pravnik

UNIVERZITET U TUZLI

Broj: 04-7279-1/21
Tuzla, 22.12.2021.godine

PREDSJEDNIK
UPRAVNOG ODBORA

dr.sci. Semir Ahmetbegović, vanr.prof.